

傷人盜犯能捕獲另案盜犯投首照傷人自首擬軍

例減等杖徒

刑部爲通行事江西司案呈准山東司傳抄本部奏爲核
擬具奏事刑科抄出山東巡撫徐 審題樂陵縣鄭中興
烟舖被竊臨時行強案內盜犯丁直安將行劫壽光縣李
培義襍貨舖案內之夥盜張公培捕獲自行投首一案將
張公培依律擬斬立決丁直安比例擬遣等因乾隆三十
八年八月十八日題奉

旨三法司核擬具奏欽此欽遵抄出到部臣等會同大學士都

察院大理寺會議得丁宜安于乾隆三十三年正月間糾約丁月張仁光劉大丁二禿子李四等外出行竊至樂陵縣趙才盛家令趙大木入夥二十九日夜行竊鄭中興烟舖趙大木在外看守馬匹劉大在外接贓丁宜安與丁月丁二禿子張仁光李四爬牆進院空空入室先後竊出衣飾錢文鄭中興醒覺喊叫丁宜安起意行強用言嚇禁事主店夥接應丁宜安趨出逃逸更夫蘇如傑追捕被丁宜安用木杆打傷左肱肘經縣緝獲劉大并趙才盛趙大木將劉大擬遣趙才盛趙大木分擬軍徒丁宜安逃往各處

傭工未獲有丁宜安同州人張公培先于乾隆二十六年夥同劉照張仁光吳士有張立行張成宗劉景劉夫召行竊壽光縣李培義襪貨舖內留劉夫召看守行李劉照由屋上爬入張仁光用鉄尺挖牆事主李培義之姪李莪等驚覺喊叫劉照起意行強令張立行把風張成宗劉景在外接贓劉照蹬斷舖面排板拾磚向擲李莪等畏避劉照張公培等人舖搜獲小錢三十千交張成宗劉景背負先行劉照等復回搜贓李莪之父李培本出視被張立行棍擊右膝李洪華持棍喊拿被吳士有棍傷谷道張仁光

用鉄尺毆傷手腕李洪華力捕劉照奪棍連擊李洪華頂
心頗門越日殞命旋經拏獲劉照吳士有張立行張成宗
劉景劉夫召將劉照審擬斬決梟示吳士有張立行問擬
斬決張成宗劉景劉夫召分別發遣張公培張仁光緝獲
另結嗣張公培逃往各處傭工於乾隆三十八年三月行
至河間府地方時丁直安聞東省嚴拿丁月等之信因悔
恨爲匪希圖捕獲丁月等投首贖罪適遇張公培知係行
劫李培義案內強盜詎至滄州將張公培拏獲赴委員利津
縣縣丞寓所投首經該員解往山東訊認不諱將張公培

依律擬斬立決併聲明法所難宥丁直安比例擬以情有
可原等因具

題前來查張公培夥同劉照等謀竊壽光縣李培義襍貨鋪
臨時行強入室搜賍寔屬法無可貸應如該撫所題合依
強盜已行得財擬斬立決律擬斬立決該撫疏稱丁直安
行竊鄭中興烟鋪臨時行強被更夫蘓如傑追捕該犯用
木杆拒傷逃逸嗣聞嚴拏之信悔恨爲匪捕獲另案強盜
張公培自行送官投首查律例內並無盜首傷人傷輕平
復捕獲另案重盜投首作何治罪明文丁直安應比照情

有可原盜犯發黑龍江給披甲人爲奴等語查例載強盜爲首傷人傷輕平復目行投首者擬斬監候又例載強盜除殺死人命罪犯深重不准自首外其餘雖曾傷人隨即平復者亦姑准自首照兇徒執持兇器傷人例問邊遠充軍又律載強竊盜若能捕獲同伴解官者免罪依常人一體給賞各等語臣等伏思例載犯罪自首各條原係予人悔悟自新之路而能捕同伴解官並得免罪給賞尤欲激勵匪犯同歸善良其傷人盜犯自首而又捕獲另案盜犯解官作何治罪之處律例內雖向無明文但查捕獲同伴

與捕獲另案強盜情事相同自應一例辦理惟丁直安曾經拒傷更夫若因其自首而又捕獲他盜卽照捕獲同伴例竟予免罪又似與並未傷人之犯漫無區別臣等悉心酌核傷人平復之犯既亦姑准自首減等擬軍則傷人自首又能捕獲他盜者自應再從酌減若如該撫所擬比照情有可原盜犯發遣黑龍江爲奴是較傷人自首並未捕獲他盜擬軍者轉爲加重於例義尙未允協丁直安應改照傷人自首擬軍例酌減一等杖一百徒三年則旣不泯其捕獲他盜之功而仍懲其傷人之罪似於情法較爲平

允並請嗣後遇有此等案件俱照依此案酌核情罪辦理
該撫又稱盜犯丁月張仁光業已拏獲正法逸賊丁二禿
子李四緝獲另結未獲各贓在於各犯名下照估追賠等
語均應如該撫所題完結事關酌定條例改題會奏合併
聲明爲此謹

奏請

旨乾隆三十八年十一月初二日奏本日奉

旨張公培着卽處斬餘依議欽此等因乾隆三十八年十二月
初十日江省准咨

訓飭四川總督文 具奏辦理軍務不應暫請開捐

上諭

刑部爲欽奉

上諭事江西司案呈准四川司傳抄內閣抄出乾隆三十七年
十一月十二日奉

上諭據文綬奏暫請開捐以裕軍需一摺所奏大非已于摺內
批飭矣捐貲入官本非選舉正格朕御極之初召見內外臣
工不但捐納出身之人卽科舉出身之人亦多有言捐納中
可得人材者因姑試廣求以期克當任使乃歷年來報捐人

免死減等之罪本應外遣因係蒙古改發內地者仍依
免死遣犯逃回行兇爲匪例照原犯死罪卽行正法等
因嘉慶二十五年十一月二十三日江省准咨

酌議誘拐婦人子女現無下落自首之犯酌定監

禁年限廣東福建民人捉人勒贖分別立定專條

蒙古有犯搶劫照例刺字各條

刑部爲通行事江西司案呈准山西司傳抄所有前事
等因相應抄單行文該撫查照可也計抄單一紙內開
刑部等衙門謹

奏爲奏明請

旨事竊臣部律例館於上年奏明纂修條例當經臣部督率提
調纂修等官將全部例文逐案纂考釐正遵照向例將

歷年欽奉

上諭及議准內外臣工條奏應纂輯爲例者欽遵編入例冊惟查舊例內有向無明文及同一事而罪名輕重懸殊每致辦理未能畫一現屆大修律例之期自應立定專條以資引用而免岐悞茲經臣等悉心酌議共有三條理合先行會同奏

聞謹將酌議各條開列於後恭候

欽定

一誘拐不知情之婦人子女現無下落自首之犯應酌定

無一應一別辦理以平允臣等公

同議應請嗣後凡誘拐不知情婦人子女首從各犯自為妻妾或典賣與人已被姦污者不准自首外其甫經誘拐尚未姦污亦未典賣與人即經悔過自首被誘之人即時給親完聚者將自首之犯照例減二等發落若將被誘之人典賣與人現無下落誘拐之犯自首者仍按例擬罪監禁自投首到官之日起三年限滿被誘之人仍無下落或人雖經查獲已被姦污者即將原擬絞候之獲入手秘密辦理原擬流罪之犯即行定

地發配倘能限內查獲未被姦污給親完聚者各于原
犯罪名上減一等發落如此分別辦理庶自首與被獲
者罪名各有差等而讞獄亦無枉縱矣

一、廣東、福建民人捉人勒贖之案辦理未能畫一應分別
立定專條 昭平允也查例載苗人伏草捉人橫加枷
時銀取贖者初犯為首斬監候為從俱枷號三個月
再犯不分 從皆斬立決其有土哨奸民勾通取利
者初犯斬立決附和者各枷號兩個
發遠 專為苗人而設

國家承平日久苗人感格各省此等案件從不經見惟
粵近海民情獷悍間有似此捉人勒贖者而閩省又較
粵省為少是以粵東辦理民人搶擄勒贖之案向俱從
重比照苗人伏草例擬以斬候閩省遇有此種案情除
有閩人命各依威力主使及捆縛挾制本律本利擬絞
外凡擄人閩禁勒贖俱照兇惡棍徒例擬軍兩省各援
成案遵辦臣部亦歷經就案分別咨題核奏推原其故
在粵東盜劫之風甚于他省擄捉閩禁跡近于強不可
不從嚴示懲而閩省則犯者較少援情定讞不必例外